

增修廣平縣志

壹

廣平縣志卷首

一圖叙

序言

縣之有志創始於明萬歷己丑陳邑令鑒重修於嘉靖戊申王邑令一龍續修於清康熙丙辰夏知縣顯煜迄今已二百六十餘歲矣其間政體之變遷人文之代謝教育之興廢法令之更張無一不關史事之推移治術之考鑑增修補綴守土者宜責無旁貸也己卯一月余奉

省道任命承乏於戰禍兵燹之下斯時城垣已毀署址僅存檔案無遺縣民逃散招撫安輯席地露天欲謀縣政之設施不但無卷可查甚至無人可問爲政於此亦大難矣惟幅員土地之廣袤田賦人丁之多寡建置警衛之存廢生產藝業之有無凡屬數字之名當爲志乘所載奈紳衿大戶藏之不肯示人鄉里小民間之不

廣平縣志
知何物當經不惜重貝百計搜求那知隻手探驪一無所獲爰藉
府志殘本悉心考察並在可能範圍分頭採訪又賴同人楊君瑞
雲李君獻廷袁君瑞卿以縣民而洞達縣事時備疑問輔助之力
尤多理政之餘以夜當日鈎稽半載差幸成書計分十二卷一十
八門都一百有六目千腋爲裘應多破綻一人之識自愧難周況
當遍地匪氛調查未及全縣所有闕文挂漏補正應俟後賢聊備
大府之求敢當一縣之志

民國二十八年歲次己卯十一月

廣平縣知事樂亭韓作舟并識



增修廣平縣志姓氏

總纂

署理廣平縣知事樂亭韓作舟

參訂

廣平縣公署秘書趙德昌

採訪

縣公署教育科科員楊瑞雲

縣公署建設科科員李獻廷

縣公署教育委員王儒臣

採訪兼收掌

警察所所長張柱石

第一區區長白良懷

第二區區長楊蔭深

宣

講

主

任

王修禮

校對兼謄錄

縣

公

署

書

記

長

袁瑞卿

繪圖

警

察

所

系

長

龐寶書

督刊

縣

公

署

財

政

科

長

何尙志

增修
廣平縣志凡例

一、縣志自清康熙十五年重修以後迄未續修文人凋謝縣卷無存此次採錄得於府志者十之五得於訪聞者十之二闕而待補者十之三增輯之責惟賴後賢

一、本志職官暨鄉賢烈女除遺漏外其時期年代先後不無錯置因急於觀成未暇更正讀者諒之

一、全縣戶口所關至重現以地方不靖未能按村調查即民國二十六年查登之數亦未必十分正確應俟治安復元再行詳查補錄以昭核實

一、本縣面積在本省爲最小按前縣舊存圖說爲七百九十一方里府志圖考爲一千零八十方里今經實際勘察應以府志爲準

一、縣境原有十景前已登載舊志今皆分附各門之下不列專條

一、本志人物正傳斷自元明立縣以後所有以前縣民或涉及疑問者一律附之餘錄以資區別

一、壇廟祠寺係參府志舊例分載建置教育古蹟三志以期名實相近便於考查財


政入丁賦祥瑞附軼聞工商與物產同篇鄉賢不分細目

一、本志成於變亂之後且未設立專局而縣中學士文人又皆避難在外既無商討之地更乏就正之人但求聊勝於無不計文字工拙

一、本縣雖小不乏博雅通儒對於本志內容尤望切實指示以便重加更正而免貽笑方家至名宦鄉賢之入祠者尤多不可考証暫付闕如知者見教以備祠祀不勝鼎感


編者又誌

縣城圖




例圖


目	廟武		房民		局郵		署縣
	廟文		會商		署監獄		所察警
	寺大		樓戲		房倉舊		局警舊
	廟皇玉		堂教		堂縣廢		隊協警
	廟隍城		廟音觀		地荒		區一第區
	校學		廟王龍		水		區所公區




縣署圖



城隍廟圖




武廟圖



文廟圖

崇聖祠



增修 廣平縣志目錄

卷一

圖叙 序言 輿纂姓氏 凡例 縣地圖 縣城圖 縣署圖 文廟圖

武廟圖 城隍廟圖

沿革 考辨 歷代沿革表 歷代沿革史注

卷二

封蔭 封贈表 蔭襲表

職官 文秩表 縣署職員表 縣署組織統系表 明清官制考 武秩考

把總外委名表 附舊兵制

卷三

選舉 制舉 薦辟 功例出身 進士 舉人 五貢 畢業生名表

附明清取士例則 武科 武科條例

卷四

輿地 星野 晷度 山川 河流 津梁 堤堰

關隘 寨堡 警區 警局 保衛 鄉鎮

卷五

物產 穀屬 蔬屬 果屬 花屬 木屬 草屬 藥屬 貨屬 禽屬 獸屬

水屬 蟲屬 農作物產表 工商狀況 銀錢價目表 商業處所表

卷六

風俗 士農工商 冠婚喪祭 時令 方言 土語 廟會

卷七

建置 城池 公署 倉儲 壇廟

丁賦 戶口 差徭 屯社 地糧 雜稅 官俸 鹽法

卷八

交通 驛站 舖司 郵政 公路 電訊

教育 廟學 書院 義學 社學 教育機關 學校

自治 區公所 議參會 商會 建設局 財務局 農會 苗圃 農場

縣黨部 婦女會

卷九

文藝 經部 史部 子部 集部 金石 碑記

古蹟 城址 坊表 祠宇 寺觀 陵墓 附義塚

卷十

人物上 宦績 鄉賢

卷十一

人物下 餘錄人名考 烈女表

卷十二

大事記 兵事 災異 軼聞 補遺

廣平縣志卷一

樂亭韓作舟湘亭編輯

二沿革志

廣平之名始見漢書初爲廣平國後改平于國在今鷄澤縣東二十里建武時省國入縣屬於禹貢冀州之地是乃古之廣平而非今之廣平也今縣自金天會七年分魏縣北鄙之地而置與永年宗城新安成安肥鄉鷄澤曲周洺水同屬河北西路之廣平郡隸洺州防禦使至元十五年與永年曲周肥鄉鷄澤改隸於廣平路總管府直隸中書省洪武元年改路爲府十月屬河南分省二年三月來屬同縣九即永年曲周肥鄉鷄澤成安威縣邯鄲清河廣平是也他縣屢有更易獨廣平之名雖易地而仍舊惟所轄者漢魏晉屬廣平郡北朝屬洺州廣平郡隋唐宋五代屬洺州金仍之元屬廣平路明屬廣平府清因之隸大名道民國二年廢府十六年裁道十七年改直隸爲河北省現屬河北省冀南道謹依史注說明並製沿革詳表庶使後之考據不致誤魯爲魚欲明前此變遷自可按圖索驥記沿革

考辯

按後漢書注廣平故城在今永年縣東北鷄澤縣故城在縣東二十里今有故城村元和志隋於廣平城置鷄澤縣是今縣實由廣平改名唐宋時又嘗遷治也

府舊志

志

廣平故城在鷄澤縣東杜佑曰在永年縣北漢置廣平縣治此武帝征和二年封趙敬肅王小子偃爲王國改曰平于尋復爲廣平哀帝建平三年又以廣德夷王弟廣漢紹封後漢建武二年更封吳漢爲廣平侯魏晉復置廣平郡治焉後徙廢

方輿紀要

漢書地理志廣平國注云武帝時嘗爲平于國又景十三王傳曰初武帝復以親故立趙敬肅王小子偃爲平于國王孟康曰今廣平本是于字自魏書地形志注訛爲干字而後來輯地志者皆稱平干非也左太冲魏都賦曰常山平于張孟陽注云廣平郡漢武征和二年嘗爲平于國文憲通考引漢書亦作平于近人不知或有反改漢書者夫干寶之姓或訛爲于餘于之縣且竟爲干此二字之互易殆不少